

霑益州志

00310.69
139
10

卷之四

人物
列女

古蹟
物產

祥異

霑益州志卷四

人物

鄉賢

宦績

卓行

忠義

孝義

封廕

方技

選舉

貢監

例職

封廕

飲賓

古大猷是經先民是程先民之重等於大猷也雖無老成人尚有典型老成之重甚於典型也世或博綜往代謂古今人不相及然與古為鄰取則不遠遺踪具在不可跂而及乎況士大夫風化為懷而不使潛德幽光彪炳宇宙非惟終負前哲抑何以激勸將來爰即耳目所及蒐輯懿行畧其身之顯晦惟期有補網常而已志人物鄉賢忠孝選舉飲賓方技仙釋並

霑益州志

卷四

人物 鄉賢

附焉

鄉賢

明

李 珉 成化進士

繆良玉 正德舉人

繆文龍 嘉靖進士

尹嘉俊 事詳忠烈

孫繼魯 字道甫 本州松韶關人 少負奇質 書史過目 不忘 登嘉靖癸未進士 知澧州 以他事避怒已者 乞為學官 改國子監助教 歷戶部郎中 出知衛輝府 未

幾調淮安府中貴銜命督江南織造擅作威福繼魯
與之抗中貴怒譖訴於上逮至京執政爲之解罪止
調官旣免弗謝調黎平府能以德化感格叛苗陞湖
廣提學副使每從帖括相士數語盡其生平合若左
券晉山西左叅政分守冀南繩宗人以法及陞本省
按察使宗人數百要於路發其裝惟布袍敝履他無
所蓄驚曰高皇帝以來罕見此官相與載酒偕士民
追送之至任益飭法約束舍人子自宗潢以及百姓
咸願久於其任尋晉右副都御史巡撫山西以邊事
與總督翁萬達意不合爲文誓於神慷慨忠義溢於

言表因各陳所見交上封事時率先萬達而後繼魯
遂被誣下獄讀易賦詩矢死不折園中無楮筆日用
飯盃畫壁與同時得罪御史楊爵倡和百餘首名飯
盃集知公者以百口直之而時宰怒不解竟以疽發
卒獄中山西士民哭於長安者數百人穆宗卽位從
言官請贈兵部左侍郎諡清愍賜祭葬爲由昆明學
登第故省城亦祀之鄉賢

陶 廉字介夫登嘉靖己丑進士歷官九江知府有
惠政卒於官

吳 蘭郡人登嘉靖戊戌進士仕至國子監司業學

問淵博課程有法諸生奉爲楷模入鄉賢

舊志

本朝

彭世勲歲貢生安徽青陽縣知縣彭輔周之父性孝友移建文廟始終襄事凡學校有盛舉及地方有利害興除之事不避嫌怨不憚辛勤倡貲買田存安樂寺中以作施棺之費嗜學至老彌篤年八十一無疾而終

雷豫歲貢生選易門縣訓導事繼母孝遇水厄獲免弟斌拾金不昧子秉泰州增生長孫汝霖乾隆乙卯科舉人次孫時霖郡貢生曾孫芬乾隆戊申科副

霑益州志

卷四

人物 鄉賢

三

四〇

榜孫曾蔚起世繼書香皆公之所致云

尹璨字子琳家貧力學日則傭工養親夜則就館從師入泮後恪守卧碑訓誨有則州人士多出其門子逢泰歲貢生孫駿曾孫訓甲俱優廩生世以教讀爲業不履公庭鄉里重之

馮錦章字文若邑增生援例授州同職孝友性成子晉恩作令粵東時以忠君愛民諄諄誨迪生平謹言慎行實德闇修不求人知暇時恆以學喫虧三字訓子孫疊膺封贈文林郎奉直大夫祿養十餘年爲鄉里所稱仰年七十三卒

仇 策州城東門內人父歿時母多弱疾弟奠年甫
八齡策曲盡友愛延師訓誨俾弟遊庠成立奠授室
析居後策常分多潤寡母心歡悅弱疾漸愈壽至九
十有二鄰里欽其孝友欲呈請旌獎學博李公舉以
鄉賓策皆固辭生平樂善好施喜排爭忿子兆慶譽
慶孫九如俱州庠生里人以爲忠厚之報

宦績

續志

何 恆字一德號立軒州東南呂家屯人由乾隆辛
卯科舉人嘉慶初截取福建邵武府泰甯縣知縣在
任八年凡勸農興學罔不以身先之時有民人構釁

霑益州志

卷四

人物 宦績

四

川步文

已致兵勦公竭力調護得以轉亂爲治且詞訟一切
不妄取民錢民以清官目之爲製衣傘後因流犯道
走被議公遂以親老歸養致仕臨行士民知其囊無
長物捐數百金爲贖歸數載病卒年七十三歲

馮晉恩字懋修號勉齋城西街人性篤孝友勤讀工
文由嘉慶癸酉科選拔貢生朝考以知縣用籤分廣
東歷任龍川信宜新安合浦翁源曲江等縣廣州海
防前山同知任前山同知時澳夷嗎嘑嘑殺漢民
香山縣令蔡夢麟七日乃往驗嗎嘑嘑先令人遙
守山僻遇覓藥者至執以爲殺人夢麟聽夷人言撻

屍親澳民以夷人進賄聞然憤與夷人鬥復斃一人
幾激變馮晉恩素得民心極力調護其間民情始定
乃置嗎幣阨囁於法香山志補授信宜縣知縣旋丁艱
還里纂修本邑續志起服赴省以前在粵有保薦升
任德慶州知州歷任海豐東莞縣南雄直隸州韶州
府均有政聲道光三十年引疾歸里優游林下十餘
年主講曲陽書院龍華書院勤心教讀不履公庭邑
人敬服同治元年九月疾終壽八十歲著有分韻分
類試帖稿

婁 鐘字曉林婁家山人由道光乙酉選拔就職州

判推升知縣歷署四川德陽昭化梓潼什邡安縣循
吏有聲補授太平縣甫下車卽以興利除害爲要凡
有興作擇可而勞不待稟呈而工已動每日黎明卽
起批閱呈詞隨問隨決案無留牘如興水利於建昌
決大獄於法審其驗也課士必親詣書院講論不輟
且捐廉買置張補山所鐫皇朝經世文天問閣文集
登壇必究等書以備觀覽民間耕歛時常循行阡陌
勸課農桑有甘棠蔽芾之風在任九年卒於官太民
巷哭者累日罷市者旬餘思慕不置特於城隍殿之
西隅構像祀之有事輒問休咎焉越二年城陷賊首

藍大順入城撫其像而嘆曰使天下官盡能如此人吾等何敢犯順耶因具牲帛酒醴詣祠致祭且撥人衛護其家其仁聲之入人至於如此

曹懷才城西十字路人鄉飲大賓由貢生選授大姚縣教諭年已八十三懷才素履端方教讀餬口窮困自安不輕干人赴教諭任一以忠厚化人遇寒士量力提攜勸由正道在任六年壽八十九歲以疾卒弔唁之士望門傷感旋反喪奠送於途者不絕題贈對帳頗多

彭輔周字相東號筠溪城西十字路人乾隆己酉選

霑益州志

卷四

人物 宦績

六

川

拔朝考援例任雲南縣教諭訓士勤敏校課殷懇以卓異升安徽青陽縣知縣地多水害輔周督開河道以利民德惠頗著惟性過剛直拂上意奉

以上詳冊

旨被議歸家居二十餘載卒年九十七歲

卓行

鄧國樑字芝圃城內西門街人歲貢生子烜廷廩膳生早卒咸豐六年三營鄉練破石羊回村國樑預有力焉時當事欲招撫力阻不允幾遭禍其後州城卒爲回衆襲踞國樑匿避三營城復還家邑人題以額曰行端品卓卒年六十歲

黃 縉字雲卿已酉科選拔朝考以教諭歸部選用
性忠直博學通經行止端方父母早逝撫三弟紱食
廩餼著聲庠序咸豐七年力阻招撫不果明年賊踞
城縉潛逃曲陽憂悶沉痾卒於曲之親舍同治三年
選授貴州教職

張應選字登庸城東門街人歲貢生性篤實平易近
人遇事不避艱險每多倡首邑人稱長者焉年六十
餘選蒙自縣訓導部文甫到而卒

李元鼎字東橋東南路李家鄉人歲貢生兄和鼎銘
鼎均以文學有聲庠序元鼎性純篤踐履誠確學足
以承先而信行爲人稱仰教讀城鄉講成後進甚多
年六十餘卒至今及門與鄉里猶思慕之

張 源字金泉孝廉文端父性忠誠與人信輕財尙
義貿易平允尙有借欠錢物聽人自償不與較多寡
晚年家稍窘精力仍如少壯教子成名孫曾繞膝卒
年七十餘鄉里稱善人焉

孫文達字成章州東五里許玉光村人歲貢生經濟
學問爲一時最綜理黌宮前後十餘年重修

文廟移建 魁閣官紳頗獎服其忠勤無私而教讀多
術生徒之食廩膳貢成均官廣文者有人茂才之舉

指不勝屈焉其持身接物也雖聰穎過人率以仁慈爲本年八十五而卒州人士猶嘖嘖弗哀焉桂體乾字立齋由附生保舉署昆陽州學正以回教值回叛之際獨能秉正嫉邪時舉大義折服回民莫不憚而懼之卡郎數漢村得以保全微夫人不及此前雲貴總督張亮基親給對匾而敘以獎詞表其忠正卒年七十有五至今鄉黨共欽儀型焉柳師卿歲貢生北路白珠龍潭人篤學正行當兵燹之際率領遠近村民宣講

聖諭十六條化導愚頑實力奉行鄉人至今猶思慕不置

霑益州志

卷四

人物 卓行

八

忠義

文登高小河灣人父母早歿性強勇嫻於鎗法好彈飛鳥百發百中咸豐軍興充鄉練有功保以五品藍翎九年因馬連陞據州城奉文攻勦營於城南交河村大墳營笑風灣等處由曲靖運鎮城巨礮於先鋒營一日登高上礮臺燃礮爲城頭賊礮所斃

李賜東雙河村人咸豐九年貿易在省由俊秀報捐

州同

領實受回籍
尙未換照

旋因勦辦邑匪投効自備鹽糧招

練三百助勦三月與松林王萬賢合營於城北黑橋山嶺屢獲勝仗四月上旬賊潰城南各營後悉衆犯

營場東歿於陣棄其屍所帶練丁死者過半生逃百餘人於其家向兄陽東索取鹽糧恤賞親友從中解脫約花銀四五百金兩月間乃遣散

余懷仁字光遠官廠屯人武生鎮南之父性頗豪邁值時變常存勦賊之心咸豐九年三月李暢東投効帶練懷仁實與其事及營於黑橋山嶺以路徑艱險鹽糧難運懷仁親身歷解後賊衆犯營連夜運解鹽糧至落脚塘隘徑突遇落草賊數十攢殺斃命屍身不存

趙煜武生西路新庄人解自珍武生天生橋人

吳璋武生嘛喇人楊椿林義勇李小雙義勇

上五人咸豐六年九月土目安紹欽派帶三營鄉勇攻卡郎玉麟山同時陣亡

李和陽北路小新村人鄉居爲賊所逼投營効力精壯奮勇疊獲保舉同治間任大廳帶練攻西賊陣亡於外

黃際昌南路胡家大路人因兵燹投効軍營有功前督部堂張彙摺保薦叅將銜補用遊擊咸豐十年委署劍川營都司帶兵攻勦武定元蒙惠銜陣亡胡士春胡家大路人咸豐年間出師有功保千總加

守備銜同治八年駐防澂江府西賊犯城陣亡

李彩梅家閩人咸豐六年回叛投効軍營保以千總之職後出兵陣亡於省垣之北倉

張連仲梅家閩人咸豐四年在貴州軍營保以外委五年撤師回省旋隨征澂江有功保加千總陣亡於澂江之龍頭山

鄧宗福南路金家屯人從事軍營屢著戰功疊經保薦加叅將銜補用遊擊同治三年方伯岑克復曲陽在事頗爲出力後委署武定營叅將西逆犯城帶兵攻禦陣亡於武定之舊城

霑益州志

卷四

人物 忠義

十

川步

滕春林本城小橫街人出師有功保薦外委同治六年西逆犯省垣帶兵攻勦陣亡於楊林之四板橋

李景陽南路梅家閩人咸豐八年十月挖耳龍潭從逆錢海林因勸諭歸正誣陽聚練賊衆至家擒而脅之陽罵賊不屈被賊碎其尸而焚之村民爲之傷慘嚴朗字子登炎方人性忠鯁剛正疾惡咸豐十年

正月初七日賊圍炎方大山營朗出營解圍不允挺身罵賊遂遇害同治十三年子守先任安甯州學正

由安甯州具詳奉 文准入昭忠祠

吳南風州學廩生吳家庄人與白浪回寨接壤咸豐

六年三月回叛逼生入縣生與庄民約誓不從逆九月二十四日逆首桂老成率眾數百破其庄擒生而勸令歸附生罵賊不屈曰殺則殺矣奚以勸為賊怒綁生於棹案上如屠猪然剖腹挖心斷其首而去邑人聞之莫不流涕曰真義士也

呂向泰字季通州學增生沙鍋村人性方正不苟言動村民常欽式焉丙辰回叛為附近賊眾所逼連夜攜家屬潛匿於山窟中賊尋之招不出縱火焚山全家盡沒惟兄子早出得承宗祧至今村人言之莫不為之傷慘

以上詳冊

孝義

明

秦朝俊州北新村人年十七同父往山採薪偶遇虎啣其父去俊奮不顧身前逐虎與鬪虎棄父屍而去俊負之歸葬日夜繞墓哭泣越兩月有虎死於墓側人以為孝感

王經會十字路人家貧事繼母至孝崇正十五年官給旌獎

本朝

顧明命字惺元郡庠生喪偶時年甫三十誓不再娶

或勸之則曰吾有子矣事寡母盡孝撫子恆吉食餼
廩年八十四卒

張大英郡人與胞弟大武友愛甚篤年六十許不異
核提三世不分居內外無間言卒年各八十餘今子
孫猶守其家法

張宿正郡人立品端方以誠接物雖家人燕私之地
必循循以禮博通典故有疑往問立剖人以古書櫝
目之教子其德中丁酉鄉試卒年七十餘

義僕州東羊場人有一虎入室方撲其主僕偶自
外至手無寸物直前拽虎尾繞柱而走虎尾竟爲之

霑益州志

卷四

人物 孝義

十三

斷隣人擁至共擊虎斃之主賴以生事聞於州獎以
幣

盛永祥州民國鼎養子家貧傭工養父父歿祥止一
子鬻以殯葬康熙三十六年衆舉於官知州黃敏生
給匾旌獎

盛恩榮盛永祥養子先是永祥鬻子殯父接養恩榮
後恩榮事祥亦如親父及祥歿榮自鬻本身殯葬康
熙三十七年衆舉於官給匾旌獎

李一魁增生其父景昌年四十餘患痲症甚危百藥
罔效魁時年十六每訪醫調治醫曰服藥難效惟噫

可救魁卽跪啗數次父稍舒後每便卽爲便啗之三年無易疾果愈享年六十三里人具事呈 學憲何

蒙賜孺慕真純額以旌之

舊志

董奇才州庠生董育才州廩生兄弟竭力事親親歿廬墓哀號人不忍聞且篤友恭弟育才先逝奇才哭之流血學憲吳旌以額曰孝友可風州牧郭旌以額曰潛德者年至今後嗣克昌

李如桂字天香城東南路李家鄉人秉性純篤事繼母至孝四十餘年艱苦備嘗始終如一待後母弟曲盡友愛憂樂相同里人咸重之子孫世繼書香

涪益州志

卷四

人物 孝義

三

川

杜廷佐城東路北臚人忠厚傳家乾隆乙卯科武舉父故廷佐事孀母克盡孝道母施氏卒年百有六歲廷佐亦九十三而終里人重之

包開璽年甫週歲母故父續娶楊氏生用璽甫週歲父亦故開璽孝事繼母勤學勵志入泮後州牧王公聞其孝行旌以額曰帝眷孝友教弟姪五人俱成名州牧朱公亦旌以額曰義方垂訓卒年七十餘

桂文達子如秘孝行世繼父子克享高壽學憲孫給以額曰耆年碩德

曹 錦州廩生父歿時母遺腹數月生錦時兄銓已

婚娶夫婦善視錦及錦年七歲母病撫錦泣曰吾恐不保汝當敬事兄嫂母卒後銓延師訓錦勤學勵志叨食廩餼敬兄嫂彌篤兄嫂亦友愛甚摯至今子孫猶守其家法

胡致中州南門內人性孝友值父發背疽致中以口吮噉而愈母患目病每藥必親嘗父母歿後友愛兩弟益篤年逾八旬齒落重生道光元年 恩榮八品頂戴卒年九十一歲

聶汝良城西街人天性純厚處世樸素子朝賢孫思睿思智俱武生孝友堪傳知州郭給以額曰壽隆絳

霑益州志

卷四

人物 孝義

十四

三十三

縣年九十歲

李瓊英州副貢生家貧事孀母曲盡孝道爲人子之所難爲邑人咸欽重焉

趙思濂郡廩生家貧勵學孝事孀母州人重之

聶思睿 聶思智均州庠生同胞出父早卒兄弟孝友性成思智年四十餘尙無子嗣母命其娶妾智曰兄子卽吾子也遂撫爾昌爾勲爲子母心大慰睿智友愛至老彌篤邑人重之

葉瘖子州南門外人家貧傭工事母曲盡孝道里人

重之

續志

張際昌字斯盛州東路舊街子人歲貢生性聰穎少
日有聲庠序猶篤孝友事繼母最盡道當繼母發引
際昌年近六十痛哭哀毀幾至滅性且與異母弟一
生和怡始終無間鄉閭以爲式法焉年八十一卒
李起鵬字萬程孝廉景賢之伯父幼與三弟起榮隨
父貿易東川之者海厰竭慮經營服勞奉養兄弟怡
怡如也一日父出值街期有客遺金四百於舖臺上
鵬拾而封之於櫃次日其人張皇舖首形狀可疑遂
延之坐探其情得實乃完璧歸趙時者海人咸義之
父亦欣然曰有子若是可息肩矣遂歸後數年父歿

兄弟束裝還籍喪葬盡禮三年不敢遠離時二弟成
金已入泮令治家事乃營生於州城人以急投慷慨
樂施縱罄囊以贈無德色年六十餘議各分爨凡財
物家具罔不分甘讓美以二弟書生短於經濟特厚
給之親友敬服傳爲美談分年四越三弟先世遺姪
幼諸凡維持無失且延師教讀撫以成名道光二十
九年恩榮八品頂戴知州黎恂給以額曰以介景福
卒年八十四歲

李貞友北門外人家貧藝圃爲生性至孝父早歿奉
母極虔每得錢必先具母甘旨自安粗糲甚或忍饑

終日而奉養無缺其母年七十餘卒不能具棺邑人感其孝心捐貲畢葬追思痛切始終不倦

丁必亮州武生松林人秉性純篤事孀母孝母患病甚危服藥罔效亮時年十四跪祝神前割股煎湯以救母服之即愈里人至今重之

鄧國柱字擎一西門街人兄國樑歲貢生國柱篤孝友性剛正儒未成喜吟詠善書尺五巨字畫松鶴頗佳少時貧困當父病危急曾割股煎湯進因父不能下咽而故經營商賈家漸裕中年因兄病瘠弱亦割股丸為藥進之兄病特延年餘年近八旬精力矍鑠

霑益州志

卷四

人物 孝義

猶能書字作畫其長孫運昌已入州庠現為州城耆宿

李銓李家鄉人府增生孝友性成篤叙倫常事母孝母老病銓侍奉湯藥衣不解帶母沒每日晨昏哭泣不履內室自此遂寢於木主傍竟至終身鄉里咸稱道之

張維嶽州庠生嘉慶甲子舉人鳴盛次子篤行古道事母孝曲體親心母沒停柩在堂棺後流血水維嶽泣飲一碗血水立止

李立程歲貢生厚鍾子善事父母父病危立程嘗糞

知無救乃具衾絞焉

張煥州庠生性極孝友誠愨厚重屋漏無忝樂守田園不履城市芳型儀表有古君子風

周國泰北路小后所人幼失怙事母陶氏極孝朝夕侍奉不敢遠離雖家道貧寒凡飲食衣服無不曲爲承順鄉鄰稱羨現今母年八十有餘奉承不衰壽民

李正保北路兜當人生平正直居心忠厚接物持家以樸素現年一百歲尙強健

傅發甲北路陡坡人壽一百一十歲咸豐年間始歿

霑益州志

卷四

人物 壽民

七

四世一堂

朱能東路沙溝人生平直慤遇事不苟鄉人重之稟請學院廬給天錫遐齡匾額現年九十八歲

劉鍾祥北路大新村人持身正直立心純厚凡教子孫以勤耕苦讀爲本現年九十餘歲筋力猶健

張紹基北路郭家屯人耕讀爲業持已謙遜交友誠信臨財不苟現年九十六歲

胡運聯北路向化屯人性篤忠誠力操勤儉忍讓化人不興訟事年九十二歲

施位士北路施家屯人家頗裕鄰里婚喪缺之者位

士罔弗極力週全年九十歲

胡成名北路山河坡人務農生理童叟無欺年九十

有六歲夫婦齊眉 以上詳冊

文學

明

傅遇高郡人中萬曆戊子鄉試由宜良學博歷官南

昌府通判致仕家居刻 文廟通考著梅花百詠藏

海探珠等集

本朝

孔之裔字泗英郡廩生性純孝幼孤苦刻意讀書手

霑益州志

卷四

人物 文學

六

川長

不釋卷博通經術遭流寇之難削其右手以左手把

筆生平恥言膺利居家教授士多出其門以孝友廉

恥躬行實踐為鄉人法四壁蕭然宴如也年八十二

著州志畧子明經衍祺續次之年八十四無病而卒

王育仁璨子字戴之弱冠補諸生每夢醒必將日間

文行自課書有未明即束衣起張燈坐讀或事未當

者則標記以自戒作文稍未愜輒易稿或至數十藝

生平無戲舉嘗謂子字謨曰此非迂也百惡始於戲

不防其漸後將靡底教人先德行重人倫衣冠言動

一範以禮法尤善因人而誘進之以故成就最廣後

職教新興士有學行素著者輒以姓字書座右品題於其下風示諸生遠近爭自磨勵致仕日諸生立位以祀卒年七十三歲危尚手校綱鑑著其法戒云登康熙丁酉鄉試乾隆癸未舉鄉飲正賓子二人長字謨中壬申科鄉試舊志
雷汝霖字允若乾隆乙卯科舉人品行端方教授生徒裁成甚廣長子芬戊申科副榜授河陽縣教諭次子清三子宜四子翊孫海平均優廩生文行交修邑人重之

張昶字子舒州歲貢鄉飲大賓品端學粹遠近人士樂受裁成長子雲鴈歲貢同時亦育成多英次子雲鶴邑增生孫洽之邑庠生一門之內人文濟濟現年八十有六矍鑠康強手不釋卷爲士林欽重並著有省心集序詳藝文

李根瀛字蓬萊州歲貢鄉飲大賓性忠厚和平教授生徒循循善誘州人士多出其門砥節勵行足跡不履公庭子和鼎銘鼎元鼎俱州廩生開鼎州增生孫濬郡廩生教澤留遺久而彌光士林咸欽重焉卒年

八十歲

尹逢泰字順庵歲貢生孝友性成終年以教讀爲業

至老嗜學不倦子駿郡廩生孫訓甲州廩生世授生
徒樂育多英爲士林欽仰云

續志

雷芬字因雲乾隆戊申科副榜授河陽縣教諭訓
迪士子以經學爲先曾手書九經全部後任嵩明州
學正不異河陽次科復中副榜爲州中文人所重遺
稿甚夥咸豐六年兵燹各集均燬於火今無存者

李銘鼎字命三城東南路李家鄉人歲貢生道光二
十八年鄉飲大賓父根瀛以作育人材傳家銘鼎性
穎悟設帳城內多年後生多受裁成知詩能賦每考
古學恆列前茅所遺北海堂詩文集共十卷尚未付

靈益州志

卷四

人物

文學

三

川文

梓同治三年選授貴州教職已卒

張雲雁字伯陽城西椒樹人歲貢生阿迷州學正昶
之長子侍父教讀出其門者亦夥篤行繼志遺文著
述因兵燹焚燬迄今孫曾續嗣有人

婁汝理字玉田曉林次子由增生報捐藩經歷幼聰
穎敏而好學父任四川太平縣九載汝理與弟汝珠
汝瓏日誦書齋不與署中事勵志詩書之府潛心道
義之原博雅宏通彬彬然儒林望也父卒於官未幾
而藍大順犯太境艱苦備嘗著有遇賊說一卷太靖
邑人思慕曉林不置出三千金爲之報捐知縣同治

十年委署梁山縣未及履任卒於途次

雷鍾燕字奎伯東門外人廩膳生聰慧逾眾工制藝
業性孝友篤於昆季家居不分爨雖遞其子姪仍守
成法歲科試必列前茅屢薦不售咸豐六年軍功六
品銜窗下作文甚夥所遺文藝逾千篇惜為兵燹焚

燬無餘 詳冊

選舉

進士

明

成化

李珉

丙戌科羅倫榜仕至御史

霽益州志

卷四

人物 選舉

三

嘉靖

孫繼魯

由昆明學癸未科姚涑榜仕至御史鄉賢有傳

陶廉

已丑科羅洪先榜仕至知府鄉賢有傳

吳蘭

戊戌科茅瓚榜仕至司業鄉賢有傳

繆文龍

戊戌科茅瓚榜仕至叅政

本朝

道光

高若旭

壬午會科呂龍光榜

舉人

明

宏治

蔣勤

甲子科嚴範榜

正德

繆良玉

庚午科滕文燦榜

陶廉

已卯科施昱榜

嘉靖 繆文龍 辛卯科 李東儒榜

萬曆 張大美 巳酉科 莫與京榜

天啟 張標 丁卯科 閔仲侗榜

崇正 朱夢雷 丙子科 潘世澄榜

楊嗣震 乙卯科 陳達道榜

本朝

康熙 朱哀 甲子科 呂從姬榜 蒙化府教授

王育仁 丁酉科 夏冕榜 新興州學正文 學有傳

張其德 丁酉科 夏冕榜 鎮雄州正學

尹治 丁酉科 夏冕榜 江西永新縣知

益州志

卷四

人物選舉

縣

三

川下

乾隆 王宇謨 壬申科 袁文佑榜 上舊志

何恆 辛卯科 瞿鞏祚榜 任福建太甯知縣

雷汝霖 乙卯科 趙蘧榜 文學有傳

嘉慶 張鳴盛 甲子科 丁傑榜 任鄧川州學正

王觀政 甲子科 丁傑榜 育仁之孫 宇謨之子

道光 高若旭 辛巳鄉科 董維城榜 上續志

同治 張文端 庚午鄉科 楊高德榜

李景賢 庚午科 楊高德榜 庚辰會科 大挑一等 分發江蘇試用知縣

光緒 孫榮森 乙亥科 王家軾榜 上詳冊

副榜

明

李彬

孫天錦

本朝

順治 孫蕃慶 辛卯科

雍正 馮士琳 由拔貢中式丙午科 舊志

乾隆 雷芬 戊申科任河陽縣教諭文學有傳

嘉慶 李瓊英 庚午科 續志

武舉

益州志

卷四

人物 選舉

三

本朝

康熙 李得樑 壬子科

李史臣 丙子科

何一乾 甲子科

乾隆 薛三綱 癸酉科

桂如馨 癸酉科

杜廷佐 巳卯科

安鎮民 庚辰科 舊志

鄧天植 庚寅科

張廷選 庚寅科

趙鶴鄰 甲午科器字端凝工詩律邑人重之

馮景泰 甲午科

沈發潼 丁酉科

聶爾杰 癸卯科

嘉慶 常萬春 丙子科

道光 陳榮陞 癸卯科

同治 呂會元 庚午科 何建中 庚午科

森定國 癸酉科

光緒 傅聯魁 巳卯科 上詳冊

恩貢

本朝

浦澤民

鄧天福 任都勻府經歷

張國龍

鄭廷掄

張綱

上舊志

張國賢

劉文緯 任通海縣訓導

張汝明

林育鳳

霑益州志

卷四

人物 貢監

十四

鄒履敬

董德全

李雲章

呂周

佐衡

張毓崑

王運美

宋炳南

許植

劉端黎 上續志

黃實秀

張際昌

孫承謙

羅超倫

黃紱

劉坂

崔鳳喈

拔貢

雍正 馮士琳 元年選拔 舊志

乾隆 彭輔周 巳酉科雲南縣教諭保舉特授安徽

青陽縣知縣官績有傳

嘉慶 何其峻 辛酉科壬戌朝考一等分發湖北知

縣未及履任而卒

馮晉恩 癸酉科甲戌朝考二等分發廣

東試用知縣官績有傳

道光 婁 鐘 乙酉科朝考後捐發四川州判

官績有傳

黃 縉 巳酉科卓行有傳

咸豐 姚士德 辛酉科

同治 丁治齊 癸酉科

益州志

卷四

人物 貢監

三五

光緒 丁德銘 乙酉科 上詳冊

歲貢 定例四年三貢

明

馬純 王世用 徐芝 馬秉彝 繆文明

馬秉直 繆文英 吳嵩 張文燦 張用

田濟民 繆文鳳 繆良金 李士元 浦焦

孫仁 尹東郊 李東周 張雲梯 陸畧

劉錢 包良臣 朱光殿 王朝舉 張賜

楊德訓 張棟 李尙元 張宗器 張四靈

吳繼明 張景美 常時榮 張時雨 周萬民

李希白 沈文成 張恆 張士旗 李國標
李國正 張燦垣 呂元律 陶挺 莊維揚
王交泰 張凌星 張俸 張凌霄 張諭
李國棟 尹任 姜拱周 李樟 常時泰
浦相明 吳元彬 盛名揚 姜祥麟 張奇勳
張鵬羽 陶垓 尹位衡 劉夢嗣 劉天慶

本朝

張聯叅 郭琇 曹際泰
曹凝命 雷豫 劉安世

張印譽 劉鏡 郝裕後

雷益州志

卷四

三

浦之鰲 張星 朱辰

金殿傳 浦之琦 浦聯雲

孔衍祺 張鑑 趙元會

姜文載 劉英 包瑄

尹振伊 劉佩玉 魚聯第

劉佩璽 王天熊 惠安國

陶成 劉先曾 周繼武

包琇 楊灝 張睿

權大道 唐元吉 段錦

李仙源 張純禧 劉輔聖

楊鱣來

劉純

尹梁

施于政

易門縣訓導

張

鵬

河西縣訓導

孫聯登

易門縣訓導壽九十五

張希栻

傅又說

由增生捐

魚浦

尹昌賢

鄧士龍

張聰

楊譽

楊天根

劉儼

張希載

高適適

吳錫伯

保惠元

浦樞

耿正明

劉佩

張光地

顧澗

李沛榮

張愷

上舊志

蕭鳳翔

楊樞

朱綸

霑益州志

卷四

人物 貢監

三

彭世勳

鄉賢有傳

黃軒士

李敦禮

姜雄文

孟希孔

段兆輝

選右屏州訓導未赴任

張汝翼

張嬰

唐允文

袁錦章

姜國正

李培秀

胡東藩

李如楹

張式訓

李根瀛

文學有傳

高敬修

張祖

文學有傳

王世烈

尹逢泰

文學有傳

嚴人望

張文誥

何慎

李毓豐

高峯

孫馨祖

朱子昂

黃運新

曹懷才

宦績有傳

曹詡

聶爾昌

丁繩祖

鄧勳

劉炳藜

雷時霖

呂欽望

吳昂

袁服周

張雲雁

文學有傳

包應宿

孫勳祖

王履中

李銘鼎

文學有傳

上續志

雷翊

雷春

李元鼎

卓行有傳

尹駿

劉城

張希俊

朱念典

仇開謨

張翽

唐履謙

桂恩榮

李振鷓

呂保文

李立程

孝義有傳

張華封

韓鴻發

霽益州志

卷四

人物 貢監

三

川又八

案道光十六年至咸豐六年中間應出恩歲貢因學案被賊燬無考今據採訪得此十六人錄此以備參考

高子明

柳師鄉

卓行有傳

余賓泰

曹士麟

李開科

麗江府訓導

張應選

卓行有傳

劉增壽

楊應培

沈遵智

孫文達

卓行有傳

鄧國樑

卓行有傳

崔鳳鳴

安甯州訓導

雷鍾恆

鄧以權

張紹

王必麟

胡世甲

曹鎮邦

李湛露

王開元

孫同倫

胡士綸 詳冊

例貢

馮浩恩

盧珊 續志

劉寶鈺

婁汝珂

殷燦邦

余光繇

曹榮邦

鄧文元 詳冊

監生

本朝

劉瑛

陶植

楊天麟

黃文靖 由庠生捐

蔡必榮

安天位

森永淮

張睿 舊志

曹元魁

霑益州志

卷四

人物 貢監

无

丁鶴鳴

黃士俊

馮秉忠

王萬鍾

馮以斌

丁瀛

楊秀春 續志

李陽東

董大藩

呂發鰲

陳文炳

吳恩詔

崔浩

尹述先

丁學陽

嚴沛中

嚴天喜

王士德 詳冊

例職

婁顯景 布經

馮錦章 州同

馮錫恩

婁鑫

婁鈞

張綸

詹翰儒

張宗翼

馮晟

安永淮

林汝棠

陶文琳

王文燦

易泰

徐先春

彭松

張源

卓行有

上續志

馮秉忠

布經歷 銜

馮秉禮

布經歷 銜

馮秉陽

王應詔

趙懷恭

鄧揚廷

何開元

張宗辰

嚴于德

李肇東

李暢東

州同

馮樹績

韓珍

援例保舉知縣 銜 同知銜花翎

馮佶

楊正榮

薛聯芳

董繼文

安名聲

張肇基

詳冊

霑益州志

卷四

人物

例職

三

三十一

案咸豐軍興後各省開立捐局貢監從九價頗廉每名止需實銀十一二兩州中應捐者甚夥今據採訪已及者錄之至選舉援例外有已仕文武職官亦據採訪附載於左

同婁汝理

州增生援例分發四川八年委署梁山縣卒於途文學有傳

嚴守先

州庠

生由保舉署

何士純

吏員援例授貴州真峯州吏目

光緒郝

涪州

生由保舉署

婁

援例二年授四川涪州吏目

婁

援例四

二年

婁

援例四川試用知縣六

咸豐

蔣自萬

人八年任

尋霑營右營頭司炎方泚

黃際昌

參將銜

把總後拔補右營千總花翎副將銜

同

崔萬象

署雲南撫

擊十年署劍川營都司攻勦

武定元蒙陣亡忠義有傳

治

將花翎副將唐得勝 古城人軍功奏署雲南城守營

街忠義有傳 拔補武定營二司把總分防大麥地汎四年委撤店

千總到任後委署左軍守備五年拔補元新營左哨

年委署小廣西營遊擊十三年軍務告竣保奏二

品封典總兵街補用副將衝勇黃正昌 秧田灣人

巴圖魯今復委署小廣西遊擊 孫一紹

交水汎把總曲尋協右營千總永北營守備

三營人軍功署臨安狗街劉一榮 套家灣人八年由

汎把總遊擊街補用都司劉一榮 軍功奉 上諭以

千總補用 光緒 崔萬順 崔家灣人六年任昭通鎮標

加守備街 勇巴圖魯花 蔣紹陳 炎方人任尋需營倘塘

翎副將街 下坡人九年署昭通 劉嗣舉 太平里人補正中營哨

魯甸守備副將街 劉嗣舉 官現駐防州境花翎副

封廕難廕附 乾王 燦 城南門人以子育仁任興新州學

隆王 燦 正十六年 覃恩馳贈修職郎 張宿正

以子其德任昭通鎮雄州學正十六 嘉慶 何其元 城

年十一月二十六日馳贈修職郎 南呂家屯人以孫恆任福建邵武府泰

甯縣知縣六年 覃恩馳贈文林郎 何方中 州庠

子恆任泰甯縣知縣六年 彭嗣遠 城西十字路人以

四月 覃恩誥封文林郎 彭嗣遠 孫輔周任雲南縣

教諭二十四年 道 彭世勳 歲貢生以子輔周任

覃恩馳贈修職郎 光 彭世勳 安徽青陽縣知縣八

年 覃恩勅 彭輔周 任青陽縣知縣八 馮 珺 城西

霑益州志

卷四

人物 例職

將張登輔 梅家閘人軍功 賞戴花翎

街 補用都司 以上武職

封廕難廕附 乾王 燦 城南門人以子育仁任興新州學

隆王 燦 正十六年 覃恩馳贈修職郎 張宿正

以子其德任昭通鎮雄州學正十六 嘉慶 何其元 城

年十一月二十六日馳贈修職郎 南呂家屯人以孫恆任福建邵武府泰

甯縣知縣六年 覃恩馳贈文林郎 何方中 州庠

子恆任泰甯縣知縣六年 彭嗣遠 城西十字路人以

四月 覃恩誥封文林郎 彭嗣遠 孫輔周任雲南縣

教諭二十四年 道 彭世勳 歲貢生以子輔周任

覃恩馳贈修職郎 光 彭世勳 安徽青陽縣知縣八

年 覃恩勅 彭輔周 任青陽縣知縣八 馮 珺 城西

張其德舉人

尹梁貢生

段錫爵貢生

黃世臣

王育仁舉人

傅又說貢生

胡顯生員 上舊志

袁文珍生員

許成

李根瀛貢生

包一清生員

王鄉廩生

王森

何文珍

劉法會

祿享仕

唐秉寬

張昶貢生

尹相湯武生

丁瀛監生

柏世勳

許增

黃運新貢生

馮憲章增生

張雲鵬增生

張續文生員

祿增魁武生

何德揚

吳士品

張育仁道光十四年

益州志

卷四

人物 飲賓

曹懷才貢生

朱鳳章生員

包應翼生員

余盈宗

趙國用

丁際唐

吳炳

晏顯國

傅之良道光十六年 以上續志

李銘鼎貢生

丁崇德

華錦

張光照武庠

馬德成二十七年

曹士麟貢生

晏朝陽生員

張觀國

任國珍

朱觀國

姜遇有

呂學堯

董武猷光緒元年

羅超倫貢生

郝元弼

張昇生員

鄧揚生員

鄧保有

呂桐

周發陞

張高

張育政

趙連魁

楊盛春

光緒八年

李湛露

貢生

張肇基

從九

李國寶

軍功

張錫宗

高連甲

丁聯斗

謝載陽

唐朝典

董廷選

董維新

郝林

李秀

何安國

張元吉

張書紳

馬良臣

傅德崇

吳有珍

焦文祥

十一年

案道光二十七年有遺漏衆賓無考

方技

霑益州志

卷四

人物

飲賓

三

唐

閉珊居集川烏蠻也精卜筮術其法用細竹四十九片算之或以鷄骨代之占驗如神彝中稱為筮師至今彝人卜吉凶曰打鷄卦每多奇中蓋始自閉珊居

集云

舊志

本朝

沈思誠字慧生州東大龍潭村人州文庠幼習儒術繼精岐黃遠近延請絡繹門庭有着手成春之號險症奇疾罔有弗效平昔為當道獎賞送給匾額頗多卒年八十餘

詳冊

仙釋

本朝

雲嶽北山寺僧素有戒行能前知衆修本寺僧另開
基址挖山丈餘深羣曰可矣僧曰未到舊處再挖果
見舊基石磚牆脚階級宛然俱在卽於基上建立焉
至今仍其舊

寂六號灼吼州人俗姓許氏性至孝祝髮於大覺菴
透徹宗旨善草書能詩遊黔爲當道所雅重建指片
堂歸建藏經閣總制范榜曰一花堂撫軍王題曰正
法眼藏常著一花百問與諸名人唱和於禪多所發

震益州志

卷四

人物

仙釋

三

明

照坤號破礙自幼披剃住城中安樂寺苦行動修不
識文字常住一絲一粒悉以接衆無私毫畜每日做
事不從實處做去一切空談守寂無用也卒年七十
餘惟單被單衫而已

照恆號大朗自幼祝髮大覺菴親接灼吼衣鉢苦行
修行能通宗旨善詩工書法皆得灼吼真傳且改建
殿宇增置常住壽九十五歲

舊志

厂夫係北山寺戒僧能隱現首眼寺前有龍湫泉甘
旺因被穢物汚觸泉漸涸厂夫一日午寢龍示夢辭

去驚寤往尋里許見一青衣秀士知龍化身尸夫苦
求留泉至今不竭皆賴其利並著有法戒語錄存於
寺中年九十無疾而終

照元字月鑑幼業儒屢試未就夙冒惡疾因隱歸五
臺山爲僧虔刊觀音像遍送年餘疾愈建廟鑄佛大
興臺業尤樂交名儒耽吟咏著有半雲軒稿臺山集
聯集藏經語錄刊成波若經全帙壽八十面壁坐化

續志

道三城內真武觀小和尚道光年間有一遊方士至
觀投宿在殿中跌坐道三於晚間至殿敬香突見遊

霑益州志

卷四

人物 仙釋

三

川文

士雙目如火毬遂驚退次日其師領道三叩求傳授
以法遊士令道三依背坐三夜道三覺其背如火熱
後能背倚上牆跳躍如飛遊士約俟朝鷄足山歸攜
往名山不果旋卒

燈臨大覺菴方丈內典精通遠近作佛場者多延之
續綿安樂寺僧內典頗精尤善畫葡萄兵燹後其畫
不存

詳冊

列女 壽婦附

從一而終婦人之義也至於夜泣啼烏心沉智井傷
矣而究能為夫事其親為夫成其子以盡無成代終
之義其知能出於不慮不知而凜烈深於忠臣孝子
聖世所以廣為旌表以維天經地義於不替也即或例有
未符題請不及亦入採擇以昭壺化志列女 壽婦附

明

潘氏霑益人王家冠妻流寇入滇氏年二十七與同
鄉婦俱為寇獲至梅家聞氏度不免奮身投水死數
日屍立浮水面容色如生

益州志

卷四

列女

三七

本朝

劉氏霑益人浦聯泗妻年二十四夫卒一子二女俱
幼氏哀毀骨立孝事翁姑訓育幼子苦節二十八年
雍正四年具題旌表

董氏生員朱大賓妻順治十六年大師入滇剿流寇
至曲分兵清野人各驚避氏恐為所污至董家鄉大
龍潭投水死時年二十一歲其夫遍尋無跡閱半月
屍浮出水顏色如生

張氏生員仇紹琦妻琦歿氏年二十六歲誓死苦守
四十餘年教子成立本州施詳請旌獎卒年八十有

餘

張氏生員張國翰妻適翰生子張懷翰夫故時氏年二十四歲矢志撫孤成立本州吳諱請旌獎年七十餘卒

李氏董夔臣妻臣故時氏年二十八歲守節撫孤三十餘年子皆成立至七十三終

段氏楊名聲妻家甚貧聲故遺繼母氏年方二十守節事姑後姑失明氏事之益謹姑有疾割股救之人以孝婦稱焉

葉氏仇天榮妻前明指揮葉有能女讀書知大義適

霑益州志

卷四

列女

三

天榮敬執婦道及夫故氏年三十二歲撫孤紹璠辛勤備至竟使入泮爲名庠生未幾紹璠死遺孫二人俱幼氏年已八十六矣仍親爲課讀訓誨甚嚴遠近皆聞而起敬紳士議以苦節請旌氏辭曰教子訓孫分內事也不願得名紳士高其論同贈額曰巾幗丈夫年九十一而卒

張氏曾師孟妻年二十餘夫師孟自昆明遷霑益生二子俱殤力勸夫別娶劉氏生一女一子女七歲子五歲師孟故劉氏不旬日亦故張曰有子有女吾夫爲不死矣爲之恩養備至勞瘁過於所生其子名宗

孔稍長爲求嚴師必齋沐再拜託之迨宗孔入泮食
餼且生子氏潛然曰未亡人可報先夫地下矣其女
贅壻於家別置房產與焉州牧高廖二公以氏守節
年逾三十不符旌例均製賢母匾以獎之

張氏尹元勲妻孝廉張其德姪女明經尹灤家子元
勲婦幼適元勲生子早夭年二十八歲夫故家徒四
壁氏宴如也矢志守節以紡績供舅姑菽水人有以
家貧無子勸其再醮者氏正色拒之曰吾夫不幸死
遺吾以二老吾何忍舍而他適家貧命也無子亦命
吾留此面目見先夫於地下足矣遂以姪子爲嗣益

自謹飭前後事舅姑二十餘年族姓鄉鄰僉稱曰賢
及舅姑相繼下世氏哀毀盡禮每拜祭必極哀思垂
十餘年如一日今氏現年六十四歲前州牧汪廉其
實旌以額曰節孝最著

尹氏廩生張理妻年十七適理二十九歲理病篤
顧謂氏曰我上有老母所生五子俱幼恃有汝耳然
汝年尙少其如之何氏咬指滴血誓曰夫若不幸不
以苦節終身者有如此指及夫故裂衾矢志事姑育
子倍極辛勤姑歿塋祭以禮撫子俱入泮長國賢食
廩餼焉乾隆二十七年十月內申請旌表

桂氏張天壁妻幼適天壁生一子氏年二十七歲天壁故矢志撫孤不苟言笑凡其家事以身先之天壁弟天緯常敬事之閨門肅然前州牧汪題其額曰克盡婦職

段氏庠生張鍾妻年二十五歲夫故所生子沛源甫二歲氏苦志守節誓不再嫁子稍長卽命從師以紡績資給現今已入庠補增

董氏張宏補妻年十六適宏補生二女一子夫故氏年二十六歲子光地尙在襁褓家甚貧夫臨危囑氏曰勿因家貧輒棄此子氏乃截髮誓志撫子成立食

餽貢於成均里人具其事呈學憲何蒙給巾幘完人匾額

楊氏劉廷英妻年十七適廷英生三子一女夫故年二十六歲翁姑俱染宿疾氏含泣勵志事親撫子凡翁姑用藥親嘗以進沒時喪葬盡禮里族具其事呈本州蒙給松筠晚翠額

何氏胡昌裔母年十八適昌裔父生昌裔氏年二十夫故矢志守節氏母與諸姊妹見其年幼子少勸以改嫁氏嚼一指瀝血誓諸姊曰尙不以節終有如此指母與諸姊莫能強後撫子入庠補增

張氏廩生黃文藻妻年二十八歲夫故氏守節事衰
姑唐氏頗以孝聞教二子軒客軒士俱入泮食餼歿
年六十四歲乾隆庚寅歲里人述其遺行公呈學院
李蒙旌以誌乘流輝匾額 以上舊志
呂開元女乳名煥女年十四歲因柳二調戲女恐被
污情急投水自盡經州牧趙申詳具題嘉慶二十年
奉

旨旌表有題贈詩見藝文

侯氏陳名學妻爲陳李貴強姦未成羞憤自盡經州
牧夏申詳具題道光十四年奉

霑益州志

卷四 列女

聖

旨旌表

趙氏鄧聯洲妻生子勳甫三歲夫故氏年二十五歲
矢志守節撫勳成名嘉慶七年經州牧洪申詳具題
奉

旨旌表

王氏李 滿妻生子瓊英甫一歲夫病危囑氏撫孤
氏咬指泣誓孀守時年二十九歲辛苦備嘗撫子瓊
英中式庚午科副榜嘉慶二十五年經州牧烏申詳
具題奉

旨旌表

鄧氏廩生包文明妻夫故氏年二十九歲上有孀姑未終遺子永泰一清二人年俱幼稚氏飲泣矢志奉姑終養撫子一清入泮學憲李旌以額曰清貞濟美氏守節五十四年卒年八十三歲

張氏李聲輔妻夫故氏年二十八歲姑老家貧遺三子均幼氏矢志守節奉姑終老撫子成立經前州牧賀憫其苦節賜額曰松操鶴齡氏孀守五十一年卒年七十九歲

韓氏李彥妻夫故氏年二十六歲翁姑衰老遺一子尚幼氏矢志守節孝事翁姑代夫終養撫子入泮

霑益州志

卷四

列女

聖

成立學憲楊旌以額曰巾幗完人氏苦節五十九年卒年八十五歲

朱氏馮存恩妻夫故氏年二十一歲遺腹生子先猷完婚後旋夭亡氏守節益堅以夫弟武舉馮景泰之季子先訓為嗣氏守節五十九年卒年八十歲

段氏廩生李文忠妻夫故氏年二十九歲矢志孀守撫孤光瀛相瀛相繼入泮遺腹子尚瀛亦撫育成立氏守節三十六年卒年六十五歲

趙氏董于聯妻夫故氏年二十七歲上有衰姑未終遺子鴻基甫五歲氏泣血矢志奉姑終養撫子鴻基

成名學憲王旌以額曰松筠著節後鴻基復先遊
孫二皆賴氏撫育成立不墜先業氏守節六十二年
卒年八十九歲

瞿氏杜國鈞妻幼適國鈞一日鈞偕弟國舉于田躬
耕值洪水泛漲兄過渡先溺弟救之亦溺時氏年二
十歲聞信痛幾絕迫欲殉夫因念夫與叔俱亡翁姑
無人侍奉幸有遺腹或可生男以延宗祧乃自節哀
勉慰翁姑越五月果舉一子名芝秀氏矢志堅貞奉
翁姑終老撫子芝秀入泮氏苦節四十九年卒年六
十九歲

彭氏廩生馮燦章妻夫故氏年三十歲遺一子錫恩
尙幼氏矢志撫孤成立事耄姑克盡孝道冰心玉質
久而彌堅孀居四十一年卒年七十一歲

王氏廩生馮成章妻夫故氏年二十九歲遺女三俱
幼無子以嫡姪榮恩承嗣氏矢志守節撫嗣子成立
女各婚嫁如禮松柏節操族里交推孀居三十八年
卒年六十七歲

傅氏莊廷魁妻夫故氏年二十六歲遺子振甫六歲
翁孀以暫守遺孤服闋聽其自便氏泣誓堅守上奉
衰翁終老下撫孤子婚配成立不幸娶媳趙氏復先

亡遺孫體盛體茂皆賴氏撫育後體盛入泮家道克興氏守節四十一年卒年六十七歲

嚴氏龔德純妻夫故氏年二十六歲遺弱女三而姑年又老族中並無昭穆相當堪以承繼者氏念老姑無人侍奉家計無人經營乃將幼女贅婿希祖爲嗣氏孝事衰姑教嗣子希祖食餼成名學憲錢旌以額曰名傳荻教氏守節四十三年卒年六十九歲

姚氏傳 綜妻夫故氏年二十九歲上有八旬耄姑下遺一歲孤子家無恆產氏紡績苦守奉姑虔潔甘旨代夫終養撫子廷珠入泮成名氏守節三十一年

霑益州志

卷四

列女

四

川下

卒年六十九歲

蘇氏董一昌妻夫故氏年十九歲遺一子甫週月氏矢志撫孤成立守節五十一年卒年七十歲

郭氏段文美妻夫故氏年二十九歲遺一子名琨甫八月氏矢志守節撫子琨遊庠食餼氏苦節四十五年卒年七十四歲

張氏桂如禪妻年十九歲適禪爲繼室禪原配馬氏遺二子鍾琦鍾瑄氏生子鍾琇禪故氏年二十八歲上有翁姑未終氏苦志守節孝事翁姑終養撫前妻二子如已出三子俱授室成家入泮成名諸孫入座

者四食餼者一皆氏潛德之所致氏守節三十八年
卒年六十六歲

李氏廩生李顯妻夫故氏年二十五歲遺一子甫
三歲氏苦志守節教子正興勵學成名氏守節三十
九年卒年六十四歲

法氏武舉安鎮民妻夫故氏年二十八歲上有七旬
衰姑下遺一子永淮甫歲餘氏矢志苦守事衰姑終
養盡禮撫孤子永淮克承先業氏苦節三十二年卒
年六十歲

陶氏張興妻夫故氏年二十八歲遺一子名承業
甫半歲家甚貧氏紡績度日訓子入庠氏守節三十
四年卒年六十二歲

陳氏徐元祉妻夫故氏年二十二歲遺一子旭尙幼
氏矢志孀守撫子成立孫應華武庠氏苦節六十年
卒年八十二歲

保氏桂鍾壁妻夫故氏年二十六歲上有衰姑下遺
一子一女均幼氏立志苦守事姑盡孝撫育子女婚
嫁如禮兼撫伯兄二孤子亦俱成立氏守節三十五
年現年六十一歲

孟氏喬萬春妻夫故氏年二十七歲遺一子甫七月

氏苦志紡績撫孤子成立守節三十餘年現年六十歲

孫氏張國寶妻夫故氏年二十七歲上有翁姑下遺子女家極貧氏紡績度日孝事翁姑終養撫子女婚嫁成立後子亡孫歿賴繼子承嗣氏苦節四十餘年現年六十八歲

桂氏李萬世妻夫故氏年二十五歲遺腹子名興文氏苦志守節撫子成立孀守三十餘年現年六十一歲

趙氏拔貢何其峻妻其峻分發湖北知縣未及履任身故氏在家聞變時年二十八歲痛欲殉夫因念翁姑衰老遺子甚幼矢志守節代夫終養撫孤子入泮

霑益州志

卷四

列女

四

川六

氏守節已逾三十年現年六十一歲

桂氏李天祥妻夫故氏年二十五歲遺一子名俊氏矢志苦守撫子成立守節三十餘年現年六十歲

李氏陳定妻夫故氏年二十九歲遺二子開泰開基俱幼氏立志守節撫開泰入泮開基食餼氏守節已逾三十年現年六十一歲

張氏增生丁文明妻夫故氏年二十八歲遺腹三月生子發越氏矢志守貞孝事翁姑撫子成立孫曾蔚

起不墜先業氏守節已逾四十年現年七十三歲

張氏庠生張興緯妻夫故氏年二十四歲遺子汝英

甫四齡氏矢志撫孤成立孫二俱勤學勵志克承先

緒氏孀守已逾三十年冰心霜節族黨交稱現年六

十二歲

曹氏增生王萬和妻夫故氏年二十七歲上有翁姑

未終下遺三子均幼氏苦志孀守奉翁姑撫子文燦

文炳文蒸授職遊庠食餼克承先緒氏守節已逾三

十年現年六十二歲

吳氏馮榮恩妻夫故氏年二十八歲遺子秉忠甫三

霑益州志

卷四

列女

七

歲氏矢志撫孤奉事孀姑及本生翁姑俱克盡孝道

冰霜苦節歷久彌貞子秉忠國學生亦苦志勵學善

體母志氏守節已逾三十年現年六十歲

高氏張其學妻夫故氏年二十七歲上有六旬孀姑

下遺子女均幼家極貧氏矢志堅守事姑終養撫子

入庠氏守節四十二年現年六十九歲

王氏李坤培妻夫故氏年二十七歲遺二子均幼氏

矢志守節撫二子成立氏孀守三十餘年冰操霜節

內外無閒言現年六十二歲

石氏庠生何鳳岐妻夫故氏年二十八歲上有衰孀

翁姑遺二孤均幼氏飲泣矢志孝奉翁姑終養撫長子德馨遊庠食餼次子亦授室成立松筠柏操久而彌貞氏守節已逾三十年現年六十四歲

朱氏附生余琨妻夫故氏年二十八歲上有衰姑未終遺子三均幼氏立志苦守孝事耄姑終養撫子輔秦入泮成名學憲王旌以額曰庸行難能氏守節已逾三十年現年六十歲

以上續志

王氏城南梅家開增生李滄瀛妻于歸三年生子一殤滄瀛卒氏以玉鐲一雙與夫各帶一隻誓從地下殮畢哀號絕而復甦拜辭姑氏姑苦口勸止且謂夫

霑益州志

卷四

列女

哭

川上

弟尚小姑娘何忍竟離氏云全節盡孝一也但後兄叵測倘奪之嫁節不能全孝亦終不能兼盡吾志已決母休強也姑聞之與家人坐守竟夜味爽偶疏乘閒飲毒自盡知州鄧墀題其門曰香可剪金光緒六年御史戈靖聞於朝奉

旨旌表入祀節孝祠

福女增生桂耀輪之女年十七未字賊首馬連陞據卡郎聞知欲強逼爲妾女懼汚卽服毒殞命

朱氏戴雲昌之妾城東沙溝人夫故妾年二十餘哀慟號泣告妻曰汝生撫孤以續夫嗣妾願地下以從

妻聞之令人伺守正殯歛時紿守者以他往乘間赴屋後深塘而盡村人至今恆以烈稱之

楊女北路募戛楊紹虞之女年十七歲咸豐六年兵燹村民結營自守十一年賊破營女被擄行里餘忽大雨河漲女懼污趁雨投河爲巨浪汹涌推去

楊陳氏募戛人年二十餘居與賊近夫爲賊謀害欲強奪爲妻氏無計逃脫佯隨賊行至大河邊竟自投水而盡

簡氏尋甸州人于歸州城來遠舖世襲雲騎尉郝元煌爲妻生二女元煌卒遺腹生一子氏矢志不奪守

益州志

卷四

列女

四

節撫孤子旋殤乃茹素戒葷潛心內典里遭兵燹燬其宅畢慮經營構室以居族人有侵其田土者皆以理論止之守節三十年卒年六十歲以夫前官曲尋協標寄居郡城有年光緒八年由南甯縣申文詳請旌表

黃氏丁運愷妻城東三板橋人夫故氏年二十有六遺一子名秉清立志守節事翁姑撫幼紡績苦守三十四年光緒八年旌

胡氏韋國樑妻椒樹人年二十八歲夫卒氏立志守節事姑撫子堅操不改姑歿喪葬盡禮苦節五十年

光緒八年旌

桂女貢生桂恩榮之姪女卡郎人年十九歲已許字省城武弁保某之子賊踞城有從逆將行搶奪女知其信飲毒自盡村人厚其殯葬來觀者不下千人莫不爲之嘆賞

王氏松林祿周之妻夫故氏年二十八歲膝下無子其夫曰我死汝宜自便守之何益氏云無子命也誓不再醮願從一而終矢志苦守現年五十六歲光緒九年里人述其苦節公呈學院丁給以額曰貞同玉潔

霑益州志

卷四 列女

五

丁氏松林祿勲之妻夫故時遺一子氏年二十七歲矢志撫孤言笑不苟現年五十三歲光緒九年督學院丁題其門曰節比堅金

余氏城東街崔慶雲之妻夫故氏年二十有五遺子二長二歲次半歲孤苦莫甚旬間翁姑俱逝氏禮葬畢矢志靡他堅心守節咸豐間回叛攜幼避難曲陽家無斗簪氏紡績活命晝夜不輟朝夕飲粥不變初心平定歸梓里齒積撫子攻書長國華監生次文華廩生二子每念母氏苦節益勵志氏亦堅貞彌篤光緒七年學憲盧獎以額曰金石同操現年五十八歲

尹氏袁朝秀之妻塊所人夫故氏年二十七歲遺一子紡績苦養已望成人越十餘年氏故村民呼之爲苦人

沈氏東門人王殿詔之妻庠生王廷英之母遺腹子武生重英夫故時翁尚在堂氏孝敬無缺撫二子成立計守志時年二十六歲光緒九年卒七十歲

譚氏歲貢雷春之長媳廩生雷鍾燕之妻孝事舅姑和睦妯娌夫歿時置兵燹姑柩及夫弟柩均未殯葬氏極力經營安厝妥協撫子震乾州廩生氏半生勞瘁事上育下爲鄰里效法現年六十七歲

震益州志

卷四

列女

至

沈氏城內東門人龍瑞彩妻善事翁姑相夫柔順氏年二十五歲夫歿立志守節撫女贅子炳陽庠生亦故撫孫沛霖庠生蒙學憲梁綸匾現年七十六歲計守節已逾三十年

汪氏城內西街人布經歷職銜馮秉禮繼室孝敬勤柔遞事翁姑克盡婦職年二十七歲夫故立志守節撫子佐州增生念母苦守勤學奮志氏守節已屆三十年現年六十歲

陶氏西門人曹倫妻年二十五歲夫故家貧矢志撫孤苦節三十餘年六十歲歿

洪氏劉君詔妻東門街人丙辰避難曲陽夫故氏年二十四歲生子一名毓芝甫三歲遺腹子名毓蘭氏立志撫孤事翁姑孝姑旋逝歲大饑翁與繼姑議令贅夫以撫孫氏截髮爲誓乃止翁姑因轉霑家居及翁病氏回家侍奉危甚刲股以救而翁竟不痊親身含殮塋畢賊欲強佔氏潛逃轉曲後年餘城復乃歸日績夜紡苦積以攻二子書長子名未成次子巳人泮現今繼姑年已七十餘氏之孝養彌篤守節逾三十年而堅操不改邑人多重之

段氏許銳妻中街人氏年二十六歲夫故撫子澤藻

成立旋先逝氏苦守孫守國完娶現撫重孫二守節四十七年光緒九年三月旌十二月卒年七十四歲唐女名吉修州東南路唐家院子人自幼讀書識字諷誦心經父早卒家貧女勤鍼黹苦紝紡以佐饗殮事母孝同治二年九月初八日王家堡子從賊劉雲遣人求婚女絕意不從其母與堂兄被賊黨鞭撻逼脅終不允劉雲因於夜間率匪衆圍宅搶劫女痛哭流涕迫不得已乃吮毒以從行至中途毒洩而逝遠近聞者莫不寒心文人亦多題贈表其貞烈詩見藝

杜氏郝玉發之妻州北平海子人生子定國甫三歲
玉發遠賈客死不歸氏年二十五歲立志貞堅撫孤
成人年逾三十光緒七年學院盧給以額曰彤管芳
型未請旌

葉氏徐安之妻城中街人夫故氏年二十歲遺子一
名鏞甫週歲氏矢志撫孤後值兵荒紡績度日艱苦
備嘗上有老姑事以飲食而羹菜自飽姑歿殯盡
禮及子鏞成立氏猶強健撫孫攻書長孫登瀛已入
泮氏現年七十五歲未請旌 以上詳冊

譚魯氏譚家營人氏年二十餘歲夫故有姑在堂遺
子幼弱氏事養兼持姑歿喪盡禮現年五十餘歲
尚強操理

易氏仇九叙妻城東街人夫故氏年十八歲遺子一
甫十月氏禮葬夫畢立志撫孤厥後子國榮成立從
事軍務保千總職銜氏之節操不改現年五十歲
莊氏劉從龍妻劉家屯人年二十八歲夫故守節撫
二子成立孫開周州文庠學院丁給以額曰晝荻遺
徽現年七十六歲

段氏城內東門人張際榮妻增生張維邦母夫歿氏
年二十六歲子甫三歲苦志守節孝事孀姑紡績撫

孤教養成立現年五十七歲

張女南甯人婁家山議叙從九銜婁汝瓏聘室汝瓏隨父鐘任四川太平縣在署病故咸豐六年三月女聞汝瓏凶耗卽仰藥死光緒六年御史戈靖聞於

朝奉

旨旌表

唐氏南路古城人劉之德妻夫故氏年三十歲矢志苦守撫孤文甲婚配成立計守節三十四年現年六十四歲

余氏東路水田冲余興秦女適本村魏氏子夫早卒

霑益州志

卷四

列女

五

三二文

氏年二十五歲矢志守節撫夫兄子承繼孝事翁姑茹素修真鄉里稱焉學憲李給以額曰節勵冰霜

李氏北路遵化舖陶肇啓妻夫故氏年三十歲無子立志苦節後與夫兄子同爨經理家務終始不倦

李氏李家鄉人李兆齡妻夫故氏年三十二歲家貧氏晝夜紡績撫育二子成立矢志堅貞卒年六十二歲

王氏張有良妻于歸時姑先逝惟翁在堂氏克盡孝道夫弟妹幼弱氏寬容撫待俱各成人夫故氏年三十三歲值世亂年饑紡績勤勞侍奉衰翁養育子女

節孝貞全始終如一爲鄉里所珍重

董氏南甯縣貢生董鳳三女張紀妻紀十三歲入庠
攻苦過甚因得癆症婚配未久夫故氏殞畢遂自盡
前學師張明曾親赴弔多題贈詩州牧給以匾曰志
堅同穴

李氏馮樹棠妻賦性純良孝事翁姑夫故氏年二十
六歲遺一女氏志節冰清苦守卒年六十六歲

王黃氏北路大新村人年二十餘歲夫故家貧矢志
撫子成立迄今二十餘年無逾初志

錢楊氏北路芹菜溝人年二十四歲夫遠出歿於兵

霽益州志

卷四

列女

五

氏孝事孀姑撫子成立無他志念

劉氏城中街楊正華妻夫故氏年二十九歲立志堅
守勤儉紡績撫長子萬鑑捐府經歷職銜次子萬銓
州庠生氏守節三十餘年學院李給以額曰峻嶺松
標現年六十歲

孫杜氏北路芹菜溝人年二十餘歲夫故氏上事翁
姑下撫孤子俱各成立

王張氏北路郭家屯人年二十二歲夫故遺一女氏
撫繼子承嗣守志三十餘年現年六十餘歲

胡喻氏北路陶金營人年二十一歲夫故遺一子歲

餘氏矢志守節撫孤今逾八旬四世一堂
周陶氏北路小後所人年二十餘歲夫歿遺一子孝
事翁姑教養撫子鄉里稱焉現年八十子孫繁衍
楊李氏北路募戛人年二十餘歲夫歿於陣二子俱
幼氏立志守節撫子成立

柳張氏白珠龍潭人年二十六歲夫故氏矢志撫子
婚配後而子復故氏兩世撫孤節操尤著

洪尹氏卜戛人年二十七歲夫故遺一子氏立志撫
孤迄今壽臻八旬四世同居

李氏西路卡郎趙萬鎰之妻夫故氏年二十歲無子

霑益州志

卷四

列女

五

撫一女苦守半生節操貞勤村人重之現年四十八

歲

採訪冊

壽婦附

杜施氏東路圪臙人武舉杜廷佐之母子孫繁衍五
世同堂年百有六歲無疾而終

王氏余天達妻東路水田冲人生子二長昆次熾孫
輔秦俱州庠生氏現年百有二歲學憲王給以額曰

五世一堂

以上續志

王氏東路水田冲人庠生余熾妻軍功興秦貢生賓
秦母勤儉溫柔夫故教子成立享年八十餘學憲楊

給以額曰松筠鶴化

王孫氏北路李家屯人年二十五歲夫故矢志苦守子孫成立至今年九十三歲

鄧氏城西十字路人增生曹錕之妻歲貢生署安甯州訓導士麟庠生書麟母氏性和淑事翁姑孝每逢姑怒必端肅禮拜謝過俟色霽始起相夫順柔訓子嚴謹卒年九十九歲

陶胡氏陶家屯人夫故教育子女成立素習勤勞雖老不倦年登百歲

施陳氏北路施家屯人性篤實事翁姑孝教子極爲

霑益州志

卷四

列女

壽婦

五

三

盡道年一百零四歲

趙王氏北路卜夏人年二十餘歲夫故撫子撫孫數十年經營勞瘁教養有方年九十六歲

詳冊

戴氏韓家圩人現年九十二歲尚康健

採訪冊

古蹟

附坊表

塚墓

金石

野戍荒垣昔日比戈之地殘山剩水今人作賦之場
興亡固有明徵憑弔殊多幽意而或峴碑剝落淚下
無因季龍青葱樵採莫入尤足動才人之興會而深
志士之激昂者矣石鼓聲希銅盤露冷但經題咏遂
重鼎彝志古蹟坊表塚墓金石附焉

西平廢州在城東二里唐武德四年置貞觀中改名
盤州元至元十三年改霑益州領交水石梁羅山三
縣明洪武十五年改遷州治舊址存

石梁廢縣在城東五十里本磨彌部酋所居元置縣

霑益州志

卷四

古蹟

五

川又川

明洪武時廢址存

羅山廢縣在城東南一百二十里平彝鄉舊磨彌部

東境夷民落蒙山元置縣明永樂初廢址存

交水廢縣在城南二里舊名陬籠城元至元十三年
立為縣屬霑益州明永樂初廢置交水稅課局天啓
三年築城今局廢城存

盤江廢縣在城南九十里晉元帝末年爨亮據盤南
刺史王遜討之不克遜率刺史尹奉募外夷刺殺亮
盤南平割興古盤南地置盤江南如南零三縣後廢
址存

炎方廢城在火忽都堡天啓五年巡撫閔洪學檄守
備吳必魁督建高二丈周三百丈城樓三開四門名
其城曰化北蓋是時土婦設科作叛建城制之故也
今圯

松林廢城在普魯吉堡天啓五年巡撫閔洪學檄都
司王聘選百戶唐三祝督建高二丈周三百丈建城
樓二開四門今圯

松韶關廢城建築年次失考天啓間撥軍戍守或卽
以是時建也今圯

城方橋廢城天啓間知州孟紹孔督建防東川時安

霑益州志

卷四

古蹟

五

川〇七〇

酋不靖名禦外侮實防內患今圯

察院行署在城中東北久廢其址今爲民居人猶呼
察院街

天生壩仙人洞在天生壩水掛珠簾中有石室州中
異景

上村仙人洞在上村左里許石樓佛像宛然仙景其
深不知所底與天生壩者同名州舉人王宇謨有記
見藝文

石 佛由拱宸門出二十里九龍山下河水分流一
島中峙有巨石卓立如人乘舟上建石佛寺州人以

爲八景之一

石 羊州西十里有石二形如雙羊相傳暮夜一人見羊食禾追斷其首達旦視之石也其蹟尚存

八塔州東南三十里五臺山下每塔高數尺其磚石皆有古符篆字

白 塔城西五里白塔寺卽今陸家寺也明時建塔於上今圯

渾水塘相傳內有神物漁子不敢至其中詳見山川龍 湫在羅山有意尋之卽不見儼然天臺幻境詳見山川

霑益州志

卷四

古蹟

卒

川三

諸天寺相傳菩薩有鐵草鞋之遺又異人鑄神鐘聲聞百里

龍華畫壁龍華寺中殿後壁有異人畫大士像傍列紫竹白鸚鵡每夜間聞竹聲蕭蕭亦時見鸚鵡飛啄康熙丙午燬無存

雙 澗一從西北入城一從西南入城源源不竭汲飲便焉

以上舊志

一花堂在大覺菴後院雍正年間總督范承勳題

月亮井在龍華寺大殿左廂房後今房燬井存

詳冊

坊表

入滇第一州坊在太平橋知州王鼎鉉建
民之父母坊在太平門外州民爲前牧王鼎鉉建今
圯

誠求保赤坊在城內今圯

澤被羣黎坊在城隍廟前

廻龍砥柱坊在松林康熙四十四年堡人琢石建署
驛事平彝典史金世昌題其柱四界牛羊歸夕照萬
家煙火樂春耕

熙朝人瑞坊在松韶關爲百歲老人杜建今燬

沐傅遺勲坊 以上舊志

霑益州志

卷四

古蹟

坊表

空

川外山

泮宮坊在黌宮左側坊面直南門康熙五十年知州
吳節民建

三物賓興坊在北門街準提菴右

西平扼要坊在西門街小玉皇閣右今廢

啟文坊在南門大街儒學署右側 詳冊

節孝坊在卡郎道光五年奉

旨爲副榜李瓊英之母王氏建事見列女傳

沈家牌坊在北路晏家塘今圯 採訪冊

塚墓

明

孫清愍公祖墓公名繼魯其祖父塚墓俱在州北七
十里松韶關

陶廉墓在城西二里

白必勝墓明末爲州守順治四年滇南未隸版圖三
月流寇至全城皆屠公不屈死之墓州西龍華寺後
有碑

毛辨墓在龍華寺前路下鄉人修路掘一土堆值
大石甃砌如屋中有小碑上紀振威將軍平蠻太保
關內侯毛辨之墓泰光十六年十月十六日建又橫
書主簿楊林張甘督都張德王資毛與張靖書佐文
壽右書味縣吏石梁書佐黃等字按歷代封爵惟漢
有關內侯之稱而漢無泰光三年號存之以俟參考
以上舊志

霑益州志

卷四

古蹟 塚墓

三

明威將軍馮公墓在城西四里餘羊羅山下
懷遠將軍郭公墓在城西大灣村邊

鎮國將軍郝公墓在西路河西瓦村頭

詳冊

駐防尋霑營叅將楊春富墓在城西黑泥溝明永歷

十一年立

採訪冊

本朝

萬人塚在城西十字路順治十四年丁酉孫可望率

兵犯滇李定國敗之於龍華山死者無算後有司收骨合瘞之碑題陣亡衆骨之塚今碑失塚存舊志

烈女呂煥女墓在城西陸家寺前大路邊續志

萬人塚在城南龍華寺塘大路邊無碣咸豐七年回逆馬連陞踞城官兵營於海南陣亡數千人知州志

斌捐資檢拾遺骨合瘞於此詳冊

金石

華嚴海會鏡宣德九年歲次甲寅九月吉日僧錄司覺義雲山造鏡背題識華嚴經四十二字係寓北京

昆明趙遍筆

霑益州志

卷四

古蹟 金石

奎

按此鏡舊在大覺菴兵燹失於賊後州人覓歸現存真武觀

五龍菴鐘欵嘉慶十二年鑄

真武觀鐘欵嘉慶十七年鑄

東山寺鐘欵嘉慶己巳年吉日製

月牙銅磬舊在大覺菴相傳有遊方僧至菴上堂禮佛一椎將磬擊落一塊似月形其僧請攜歸補完寄

還越三年磬由他人帶至每擊其補處音較他處清

越僧乃寶之咸豐七年兵燹失於賊後州人黃正昌

由尋甸卧雲山寺內出資構歸現存真武觀詳冊

物產

大禹鑄鼎列貢必載方物凡以備朝廟典禮之用而不責以地之所罕有蓋橘不踰淮貉不濟汶物土各有所宜也今

聖主柔遠能邇不貴異物鳥獸魚鼈罔不咸若邊鄙小民亦共安於布帛菽粟之常敢襲盧橘玉樹之訛以誇美地靈乎志物產

穀之屬

稷 有黃黑紅數種

稻 種極多概以紅白糯稱之

梁

麥 有小麥大麥燕麥西方麥數種

涪益州志

卷四

物產

畜

蕎 有苦甜二種

秫

菽

稗

黍

草子 似稷而細夷人多種之

包谷 一名玉麥有黃白花三種糯者頗佳

豆之屬

南豆

黃豆

小黑豆

紅飯豆

綠飯豆

白飯豆

豌豆

有麻白二種又有一種菜豌豆極甜嫩可作菜

木之屬

松

柏

榆

柳

桑

柘

槐

桐

白楊柳 棠棣 婆羅樹 櫻櫚

三春柳 花木樹 秋木樹 椿

山果樹 杉樹 羅漢松 冬瓜樹

紅果樹 冬青 苦竹 紫竹

鳳尾竹

蔬之屬

葱 芹 芥 韭 青菜

蒜 茄 蕓 莧 白菜

葫蘆 菠菜 蘿蔔 苘蒿 江豆

白扁豆 蕨菜 茴香菜 芋 形似雞卵有白青紅三種惟水

霑益州志

卷四 物產

空

芋不 菱 即菰也一名蘧蔬爾雅一名藹 荷芙蓉渠其可食 菱筍根生水中葉如蔗荻 藕 根藕爾雅

應月生閏月益一節續博物志

瓜之屬

西瓜 冬瓜 王瓜 菜瓜 苦瓜

絲瓜 木瓜 土瓜 南瓜 種出南番一名金瓜有青

黃紅各色又有一種大者名甜瓜一名大金瓜

花之屬

梅 蓮 菊 牡丹 芍藥

茶花 木槿 薔薇 海棠 茉莉香

剪紅羅 萱 報春 石竹 金銀

罌粟 虞美人 桂 向日葵 丁香

秋海棠 海石榴 山丹 俗名映山紅 粉團 鳳仙

素馨 葵 雞冠 碧桃 玉簪

玉蘭 繡毬 紫薇 茄蘭 茉莉

芙蓉 金盞銀臺梔子 象鼻草 蒲草

葦 蘆

果之屬

桃 李 梨 茨菰 杏

梅 柿 石榴 菱角 葡萄

核桃 松子 山楂 林禽 棗

霑益州志

卷四

物產

矣

花紅 楊梅 橙 橘 羊棗

藥之屬

防風 桔梗 沙參 芍藥 黃芩

何首烏 苦參 車前 茯苓 香附

黃連 石菖蒲 天花粉 白芷 葛根

升麻 荆芥 薄荷 半夏 門冬

小茴 薏苡 瓜蒌仁 蒼耳子 益母

柴胡 麻黃 杏仁 陳皮 澤蘭

牛膝 甘草 木通 紫蘓 木賊

金銀花 桑寄生 豨薟草 穀精草 花椒

車前子 金櫻子

羽之屬

黑頭公 拖白練 畫眉 鷄 鴨

鷓鴣 雀 鸛 鷺 鵝

鵲 鸚鵡 子規一名杜鵑 鷓鴣 山鷄

鳩 水鳩 鷓鴣 倉庚 鷓鴣

鸚鵡 雉 鳧俗名野鴨 鴿 鴉

燕 鷓鴣 鴛鴦 秧鷄 八哥

啄木冠

毛之屬

霑益州志

卷四 物產

虎 豹 豺 狼 牛

馬 鹿 羊 野豬 豕

猿 猴 驢 獺 犬

熊 兔 鹿 獐 狐狸

貓 竹鼠

鱗之屬

鯉 鯽 細鱗 鮓 鰕 蟹

鮎 鱗 鮓 鱈 蟹

青魚 生德澤江其胆能清喉火

蟲之屬

蜂

蝶

蟬

蝸牛

蟋蟀

蜻蜓

蟻

蛙

螢

蚯蚓

蜘蛛

蝙蝠

蚊蟲

蠅

蛇

螳螂

介之屬

蚌

穿山甲

食貨

香油

酒

木耳

花椒

香蓴

菸葉

鷄蓼

白森

蜂蜜

布

氈

蠟

霑益州志

卷四

物產

奕

案州境物產今昔無殊惟查穀屬之包穀豆屬之豌豆蔬屬之芋菱藕瓜屬之南瓜鱗屬之青魚篇內未載今以類補之其餘概遵舊志

祥異

陰陽調和則雨暘寒燠悉協其序鳳凰芝草各以類
呈若春秋書夏大水而以為陰盛春無冰而以為陽
極天人相與之際吁可畏哉蓋休咎之徵皆由其人
之自致氣機既兆而加以修省則福可保而災亦可
弭古人修德而祥桑枯理有一定也洪範云卿士惟
月師尹惟日任保乂之責者其可忽諸志祥異異聞附馬

明

宏治三年大水李樹結木瓜後有普安之變延至霑益
正德八年災燬西關民居二百餘家

霑益州志

卷三

祥異

六九

嘉靖五年大水李樹結木瓜後有尋甸之變禍及霑益

九年大旱十三年大雪旬日

十六年曲霑陸羅等處地震

二十五年三月望前一日晝晦如夜四月雹大如卵

三十年熒惑入鬼

三十五年三月晝晦如夜四月大雨雹如卵

四十年大水李樹結木瓜後東川之變彘自安知化從之圍霑益

四十二年二月地震

隆慶六年地震

萬曆二十五年旱

四十三年大水

懷宗十三年旱

十四年旱

本朝

康熙十九年庚申冬十月彗星見長如疋練月餘乃
滅

二十年辛酉有物如龍墜宋家河民田逾夕不知所
去是年吳逆反

二十三年癸亥饑斗米銀貳兩伍錢

三十二年壬申產瑞麥一穗兩歧

霑益州志

卷四

祥異

七

五十二年癸巳二月初二日地震斗米銀壹兩貳錢大疫

五十五年丙申大有年穀多雙穗

五十七年戊戌十一月二十九日五色雲見西方

雍正二年甲辰五月大水

六年戊申十一月十九日大雪深三尺

八年庚戌大有年

九年辛亥正月二十七日慶雲見東方經辰巳二時

本年秋成歉收次年壬子春夏米價昂貴知州杜思賢詳請減糶民甚賴之

十一年癸丑六月二十三日申時地震戌時又震

十三年乙卯七月二十一日亥時地震舊志

乾隆元年丙辰慶雲出西南方經辰巳午三時方散
二十五年庚辰西北方彩雲現

四十年乙未夏六月六日大雨水沖潰圩堤淹沒田
廬人畜死者不計

四十八年癸卯地大震城垣民居多圯

五十五年庚戌春三月大雨雹豆麥俱被損傷

五十六年辛亥夏五月大水

五十七年壬子三月初六日夜災燬城內民居房屋
五百餘間夏四月雨雹傷豆麥

五十八年癸丑大水

嘉慶州志

卷四

祥異

七

川方志

五十九年十一月十九日夜星隕如雨經亥子丑三
時方止

嘉慶七年壬戌嘉禾一莖兩穗秋大熟

八年癸亥夏五月大水秋大熟

十二年丁卯夏四月初一日大雨雪豆麥俱傷人民
逃散秋大疫

十三年戊辰冬彗星見於西方經月始散

十七年壬申大水

十八年癸酉大水米價騰貴

十九年甲戌六月初一日午時日食晦如夜滿天星

宿皆見是年饑

二十年至二十三年連年大饑城西六十里出泥二種俗呼觀音粉一種白色一種水紅色遠近窮民挖取此泥用麥麩蕎麥攪和食之可以充饑而食之者亦無恙

二十三年戊寅秋大熟

二十四年巳卯夏四月大雨雹數次豆麥俱傷秋大疫

道光元年辛巳麥穗兩岐彩雲現於南方秋大熟

四年甲申夏四月五日戌時有星由月中經過

霑益州志

卷四

祥異

三

川

五年乙酉秋八月彗星見於東南方旬日而散

十三年癸巳七月二十三日巳時地震二十九日辰時地復震州屬幸不成災同時省城激江嵩明尋甸宜良楊林驛震壓居民無數被災特甚其餘兩迤各州縣亦間有被災者

十四年甲午大熟

十五年乙未閏六月大水

十八年八月彩雲現於西南歷巳午時

續志

二十五年乙巳十二月十五月初昏城南村民傳賊至紛紛逃奔入城僉云由三岔三營各處而求號馬

探查無跡至三更後始定解曰陰兵動

咸豐三年三月大雨浹日龍華寺地拆裂由中殿佛座至臺基長二丈餘寬二尺許深不可測

十一月白木香花盛開連數年

六月丙辰三月二十日酉刻有物頭大數圍身尾長數丈紅綠輝映金光爛灼由西南半空飛落東北之野杳無形影後六日回衆滋事所見村寨房屋概被賊燬說者以爲兵燹之兆

十月初十日昧爽大霧須臾霧開白虹貫日至辰後乃散

霑益州志

卷四

祥異

三

川〇七

七年丁巳三月飛霜豆麥全損大饑城西北數十里出紅白泥饑民取以活命名曰觀音粉四山多以蕨根棕包磨細澄粉爲食是年斗米銀叁兩

三月下旬有小白蝴蝶黑紋由城東向西飛舞沿街塞途至夕稍減次日不見聞至三營赴水邊而死說者謂爲鬼車

九年己未三月大雨雹

八月彩雲見於西南歷巳午未時

十一年辛酉歲饑升米錢一千二三百文五月彗星見於西北長數丈

同治元年壬戌穀出雙穗

三年甲子九月流星交織

九年夏六月大水月餘禾苗淹沒

十年秋七月白蚊食禾苗收成十分之一

十一年壬申七月綠膩蟲膩禾苗收成十分之一

十月初一日夜半星殞如雨少頃天黑微雨復開滿

天明星依然

十三年甲戌六月彗星見西北長數丈

十二月十三日雷鳴雨雪至二十五日雪止厚者三四尺

霽益州志

卷四

祥異

吉

川〇七三

光緒三年丁丑十一月初七日戊午彩雲捧日自朝至暮五色俱備至乙丑日止

七年辛巳六月初二日壬辰彗星見西北斗魁傍長五六尺至七月滅

八年壬午四月松林突有手掌印於居民屋中遍處皆然當時不解其故至冬六畜大瘟

八月彗星見於東方長數丈初色灰紅次白收短丈餘約在星張之間尾指西南由南走至九年正月其色闇淡只二三尺至天狼而滅

九年十二月十九日彗星長二尺餘見南方向西南

行其光黯沒歷時許即沒

詳冊

異聞附

城西北趙家院武生趙居先起建樓房一所已就家居數月突有怪攪其室或拋擲石磚於房中或遷移什物於他所無踪無影忽去忽來晝夜不時家人頗為驚悸一日趙與人共坐堂間憑空飄帖

其帖不拘紅白紙似

松管松炭所寫明明可觀

於前上寫趕緊搬家某日定來燒房趙

怖遂移居近鄰此後亦不常來或二三日或三四日來必先期飛帖上寫某日我來歷試無愆期趙接帖稟官州尊李杰如期帶領兵役數十往視不驗後仍

霽益州志

卷四

祥異 異聞

七

川文

如常城鄉觀者甚衆但言及怪字飛石如雨而來幸不及人身有一朝觀者盈門堂上突列八仙棹兩張一張以一脚置於棹角上平正不搖上忽燃燭一對光焰明曉遙聞似有上坐言者如官審案然吆喝喧嚷轟然有聲不見其人延至次年春間州舊俗每年二月巫家多為龍船形一人肩之手敲鑼鼓沿村挨戶作慶賀事以取小利日間來至趙門不知人已搬去置龍船於門首進屋閒坐意欲詢探妖怪之狀直走上堂見兩小孩在火爐邊問之不答疑而轉出龍船竟不見了只聽鑼鼓聲徧村響曉乃循聲跟覓聲

已在山脚仙人洞矣赴洞尋之而得如此種種奇異
驚動州人往來觀看兩年有餘後有一下方人經過
歇息得悉其事令趙給錢三百文能治之趙允其人
以桐油塗於門限下石板上燃火燒碎其石怪竟除
趙詢之其人曰此石怪也事在道光十七年

案此石舊得於厠坑邊鄉間之厠多在房後無
茅房遮蔽想厠上之石不免血污年久得日月
之精華以致成怪後起屋者宜慎之

迤勒黑河在州東南一百二十里羊場地地方源自平
彝縣青溪洞匯小溪十餘流爲河舊有橋已圯今以

船渡往來光緒九年八月二十三日行人過渡正置
中流陡見離船十餘丈河流高起數十餘丈波洄洑
湧勢直襄陵船中人驚懼而渡船之處仍屬安瀾及
至彼岸又見河身下段竟至涸竭歷一時許始復舊

詳冊

歲二月城南秧田灣有小麥一頃高下異秀特出尺
餘委蛇盤旋二十餘丈成生龍形頭尾身爪鬚齒瞭
然畢現村人驚異宰牲祭之且延道士諷經三晝夜
月間南霑觀者不下數千人羣呼之曰麥龍

採訪冊

